



Adresa: **Ul.H.Čemerlića 39A**
71000 Sarajevo
<http://www.voda.ba>

tel. +387 33 726 444
fax. +387 33 726 414
e – mail: info@voda.ba

Broj: **UP-1/21-1-40-622-5/21**

Datum: 21.01.2022. godine

«Agencija za vodno područje rijeke Save» Sarajevo rješavajući po zahtjevu pravnog lica „TVC“ d.o.o. Goražde za donošenje rješenja o prethodnoj vodnoj saglasnosti za ispuštanje tehnoloških otpadnih voda iz poslovno-proizvodno-skladišnog objekta, namjene poslovnog dijela objekta je proizvodnja medicinskih kreveta i funkcionalnog namještaja, koji se planira graditi, u naselju Vitkovići općina Goražde, na osnovu člana 109. stav (1) tačka 3. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o prethodnoj vodnoj saglasnosti**

1. Pravnom licu lica „TVC“ d.o.o. Goražde daje se prethodna vodna saglasnost za ispuštanje tehnoloških otpadnih voda iz poslovno-proizvodno-skladišnog objekta, namjenjenog za proizvodnju medicinskih kreveta i funkcionalnog namještaja, koji se planira graditi u naselju Vitkovići općina Goražde na zemljištu označenom kao k.č. broj: 3900/13 K.O. Goražde I.
2. Prethodna vodna saglasnost daje se u postupku izdavanja okolinske dozvole, urbanističke saglasnosti za objekte i aktivnosti za koje nije potrebna okolinska dozvola i u postupku izdavanja koncesije na vodama i vodnom dobru.
3. Ova prethodna vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
4. Prethodna vodna saglasnost se daje na osnovu pregleda dostavljene projektne i druge dokumentacije, utvrđenog činjeničnog stanja i pod slijedećim uslovima:
 - 4.1. Izraditi i revidovati investiciono tehničku dokumentaciju za ispuštanje tehnoloških otpadnih voda iz poslovno-proizvodno-skladišnog objekta koji se planira graditi, u naselju Vitkovići općina Goražde. Investiciono-tehnička dokumentacija mora biti urađena na nivou projekta za pribavljanje odobrenja za građenje.
 - 4.2. Investiciono-tehnička dokumentacija treba biti urađena od strane projektne firme koja ima pribavljeno ovlaštenje od strane Federalnog ministarstva poljoprivrede, vodoprivrede i šumarstva (lista «A») a u skladu sa odredbama Zakona o vodama i treba da obradi sva pitanja definisana članom 5. Pravilnika o sadržaju, obliku, uvjetima i načinu izdavanja i čuvanja vodnih akata, koja su bitna za konkretan slučaj («Službene novine Federacije BiH, broj 31/15, 55/19 i 41/20), a naročito:
 - Proračun potrebnih količina vode za nesmetan rad poslovnog objekta;
 - Detaljan opis djelatnosti pravnog lica, vrsta proizvoda i godišnji kapacitet proizvodnje;
 - Opis pogona i postrojenja (tehnološke i tehničke cjeline sa pomoćnim objektima);
 - Tehničko-tehnološko rješenje sistema prikupljanja, prečišćavanja i načina konačnog zbrinjavanja tehnoloških otpadnih voda sa svim potrebnim proračunima, tehničkim opisom i grafičkim prilogima;
 - Proračun količina i sastava otpadnih voda koje mogu nastati na lokaciji poslovnog objekta i pripadajućim objektima (manipulativni i parking prostor i dr.);
 - Predvidjeti ugradnju okna za monitoring prije ispusta prečišćenih voda u recipijent.
 - Na preglednoj situaciji prikazati cjelokupan lokalitet sa planiranim objektima i način prikupljanja, tretmana i odvodnje tehnoloških otpadnih voda sa radno – manipulativnih površina predmetnog objekta;
 - Ocijeniti mogućnost nastajanja uticaja planirane aktivnosti na režim voda ili uticaj režima voda na predmetni lokalitet, objekte, stanovništvo, okolinu i sl. sa definisanjem mjera kojima se onemogućuju ili smanjuju štetne posljedice od voda.

- 4.3. Usvojenim sistemom prečišćavanja tehnoloških otpadnih voda mora se obezbijediti kvalitet efluenta u skladu sa propisanim graničnim vrijednostima u skladu sa prilogom 28. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20).
- 4.4. Predmetni objekat ne smije biti u koliziji sa površinskim vodama (unutar granica vodnog doba i plavnom području), niti da se nalazi u priobalnom pojasu i zaštitnim zonama izvorišta vode za piće.
5. Nakon ishodovanja Rješenja o urbanističkoj saglasnosti od nadležnih službi, potrebno je podnijeti zahtjev za donošenje Rješenja o vodnoj saglasnosti na projektu dokumentaciju. Pored investiciono – tehničke dokumentacije urađene u skladu sa uslovima datim u dispozitivima ovog Rješenja, Investitor treba dostaviti i dokumentaciju navedenu u skladu sa članom 8. i 19. Pravilnika o sadržaju, obliku, uslovima, načinu izdavanja i čuvanja vodnih akata.
6. Ovo Rješenje o prethodnoj vodnoj saglasnosti Investitor će koristiti u postupku dobijanja urbanističke saglasnosti i ona definiše sve uslove koje projektna dokumentacija treba ispuniti sa aspekta voda u skladu sa Zakonom o vodama.
7. Prethodna vodna saglasnost se daje sa rokom važenja od 3 (tri) godine od dana pravosnažnosti ovog rješenja, u skladu sa članom 111. stav 3. Zakona o vodama.
8. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
9. Ova prethodna vodna saglasnost se može izmjeniti ukoliko nastupe razlozi utvrđeni u članu 130. stav 1. tačka (1)., (2)., (3). ili (4). Zakona o vodama («Službene novine Federacije BiH», broj 70/06), a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „TVC“ d.o.o. Goražde, zahtjevom zaprimljenim u ovoj Agenciji dana 29.12.2021 godine obratilo se za donošenje rješenja o prethodnoj vodnoj saglasnosti za ispuštanje tehnoloških otpadnih voda iz poslovno-proizvodno-skladišnog objekta, namjene poslovnog dijela objekta je proizvodnja medicinskih kreveta i funkcionalnog namještaja, koji se planira graditi u naselju Vitkovići općina Goražde na zemljištu označenom kao k.č. broj: 3900/13 K.O. Goražde.

U provedenom postupku dostavljena je i pregledana slijedeća dokumentacija:

- Ovjereni kopija Uvjerenja o poreznoj registraciji donesenog od strane Porezne uprave – Kantonalni porezni ured Goražde, 12.04.2021 godine,
- Ovjereni kopija Uvjerenja o registraciji/upisu u Jedinstveni registar obveznika indirektnih poreza, broj: 04/1-17-1-UPJR/1-2194-3/21 dana 05.05.2021. godine donesenog od Uprave za indirektno-neizravno oporezivanje Banja Luka;
- Mišljenje broj: 09-19-264-1/21 od 12.05.2021 godine dato od strane Ministarstva za urbanizam, prostorno uređenje i zaštitu okoline Bosansko-podrinjskog kantona Goražde;
- Kopija Katastarskog plana, razmjera 1:1000, broj: 07-26-3-238/2021-4 od 08.06.2021. godina izdata od Službe za geodeske, imovinsko-pravne poslove i katastar nekretnina, Grad Goražde,
- Ovjereni kopija zemljišnoknjižnog izvotka broj: 045-0-NAR-21-003939 od 24.12.2021. godine izdata od strane Općinskog suda u Goraždu;
- Dokaz o uplaćenju administrativnoj taksi i upravnoj pristojbi,
- Studija za izdavanje prethodne vodne saglasnosti za proizvodnju medicinskih kreveta i funkcionalnog namještaja, Goražde urađena od strane „Saraj inženjering“ d.o.o. Sarajevo, decembar 2021 godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i člana 1. Pravilnika o izmjeni dopuni pravilnika o sadržaju, obliku, uvjetima, načinu izdavanja i čuvanja vodnih akata (Sl. novine FBiH», broj 41/20), o zahtjevu je dana 07.01.2022. godine obaviještena javnost putem obavještenja u dnevnim novinama „Oslobođenje“. U ostavljenom roku nije bilo pisanih izjašnjenja o predloženim aktivnostima iz zahtjeva.

U skladu sa članom 124. stav 1. Zakona o vodama o zahtjevu je dana 07.01.2022. godine obaviještena javnost putem obavještenja na oglasnim pločama „Agencije za vodno područje rijeke Save“ Sarajevo. U datom roku nije bilo pisanih izjašnjenja o predloženim aktivnostima iz zahtjeva.

Na osnovu uvida u raspoloživu dokumentaciju, utvrđeno je:

- Lokacija planiranog stambeno-poslovnog objekata proizvodno-skladišnog objekta namjene poslovnog dijela objekta je proizvodnja medicinskih kreveta i funkcionalnog namještaja, nalazi se u okviru industrijske zone Grada Goražde u naselju Vitkovići, na zemljištu označenom kao k.č. broj: 3900/13 K.O. Goražde. Ukupna površina na kojima se planira izgraditi pogon je 16 977 m².
- Na osnovu podataka iz prostornog plana za područje Bosansko-podrinjskog kantona za period 2008-2028 godine predmetna lokacija se nalazi na zemljištu označenom kao proizvodno-poslovna zona.
- Najbliži vodotok predmetnoj lokaciji je rijeka Drina koja je udaljena od budućeg pogona cca 200 m zračne linije.
- Tehnološki proces će se satojati od sljedećih aktivnosti/operacija: proces savijanja profilana mašinama, proces probijanja i prosijecanja dijelova na presama, proces mehaničke obrade komada glodanjem na CNC i manuelnim glodalicama, proces mehaničke obrade komada struganjem, proces brušenja, proces oštrenja, bravarski radovi sa bušilicama, nitnovanje, varenje, montaža, suho praškasto farbanje.
- U procesu tehnološkog procesa farbanja nastaju otpadne vode.
- Postrojenje za farbanje se sastoji od sljedećih specifikacija: hemijski predtretman prskanjem, peć za sušenje vode, automatsko nanošenje praškastog premaza, peć za sušenje praha, automatski transportni sistem, električna kontrolna tabla, jedinica za reverznu osmozu, postrojenje za tretman otpadnih voda.
- Otpadna voda nastaje u hemijskom predtretmanu prije nanošenja praha u postupku odmašćivanja i pasivizacije. Ukupna količina otpadne vode na dan je 9,6 m³. Otpadne vode se koncentrišu u koncentracionom rezervaru odakle idu u šaržni reaktor zapremine 1,5 m³. Cijeli proces je automatizovan. Program tretmana u šaržnom reaktoru sastoji se od neutralizacije, flokulacije, koagulacije, taloženja, uklanjanja mulja, konačna pH kontrola, uklanjanje i filtriranje vode.
- Mulj koji nastaje koncentrisan na dnu šaržnog reaktora uz upotrebu membranske pumpe se odvodi do drenažnog rezervoara zapremine 3 m³, voda iz ovog rezervoara se vraća nazad u prvi koncentracioni rezervoar.
- Sve pročišćene vode kao vode sa krovova će se ispuštati u rijeku Drinu.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva su ovim vodnim aktom, u tački 4. dispozitiva Rješenja, shodno odredbama Zakona o vodama, Pravilnika o sadržaju, obliku, uslovima i načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije propisani su uslovi koje je Investitor dužan ispuniti prilikom izrade projektne dokumentacije koja se dostavlja uz zahtjev za izdavanje vodne saglasnosti.

Na osnovu prednjeg i provedenog postupka, a shodno odredbama člana 111. Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata, doneseno je Rješenje kao u dispozitivu.

Podnosilac zahtjeva je uplatio upravnu i administrativnu taksu u iznosu od 80 plus 3KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,00 KM takse, prema tarifnom broju 3. Tarife federalnih administrativnih taksi.

Voditelj postupka:

Ahmedić Behija dipl.inž.tehn.

Po ovlaštenju
Rukovodilac sektora za izdavanje vodnih akata


Haris Ališehović, dipl.inž.građ.

Dostaviti:

- „TVC“ d.o.o. Goražde, Čajnička bb, Goražde
- AVP Sava, ISV-vodna knjiga
- Org.jed. 40 – arhiva
- Oglasna ploča AVP Sava